

681

Na osnovu člana 32. stav (3) Zakona o oružju i municiji u Hercegovačko-neretvanskom kantonu („Službene novine HNK“, broj 5/17), ministar unutrašnjih poslova na prijedlog komesara, d o n o s i

## P R A V I L N I K O U T V R Ā I V A N J U U S L O V A I R O K O V A Z A P R E G L E D O R U Ź J A

### Član 1.

(Predmet)

Ovim Pravilnikom propisuju se uslovi i rokovi za pregled oružja lica koja to oružje drže na osnovu isprave o oružju ( u daljnjem tekstu: imalac oružja).

### Član 2.

(Primjena)

Ministarstvo unutrašnjih poslova Hercegovačko-neretvanskog kantona (u daljnjem tekstu: ministarstvo) je dužno da organizuje i obezbjedi pregled oružja koje se vodi u evidenciji ministarstva.

### Član 3.

(Poziv za pregled oružja)

(1) Imaoci oružja dužni su da na poziv ministarstva donesu oružje na pregled.

(2) Protiv imaoca oružja koji ne donese oružje na pregled ministarstvo će podnijeti zahtjev za pokretanje prekršajnog postupka zbog prekršaja iz člana 67. stav (1) tačka m) i člana 70. stav (1) tačka f) Zakona o oružju i municiji u Hercegovačko-neretvanskom kantonu.

### Član 4.

(Vrijeme za pregled)

Pregled oružja vrši se najmanje jedanput u 10 godina, na pismeni poziv ministarstva.

### Član 5.

(Komisija)

(1) Pregled oružja vrši Komisija za pregled oružja (u daljnjem tekstu: Komisija), koju imenuje ministar, na prijedlog komesara.

(2) Komisija se sastoji od predsjednika i najmanje dva člana, koji imaju svoje zamjenike.

### Član 6.

(Prostorije za pregled)

Pregled oružja vrši se u prostorijama koje odredi komesar policije, vodeći računa o najvećem stepenu bezbjednosti.

### Član 7.

(Pregled oružja)

Komisija utvrđuje tehničku ispravnost oružja i provjerava da li podaci o tom oružju odgovaraju podacima koji se vode u oružnom listu i službenim evidencijama ministarstva.

### Član 8.

(Zapisnik)

(1) Pregledu oružja prisustvuju samo članovi komisije i imalac oružja čije se oružje pregleda.

(2) Komisija o svom radu sačinjava zapisnik.

### Član 9.

(Troškovi pregleda)

Troškove pregleda oružja snosi imalac oružja, a određuje ih ministar unutrašnjih poslova rješenjem.

### Član 10.

(Postupanje sa dotrajalom oružjem)

(1) U slučaju da Komisija utvrdi da je oružje dotrajalo u tolikoj mjeri da njegova upotreba može ugroziti bezbjednost ljudi, a ne postoji mogućnost da se oružje popravi ili prepravi, uputit će imaoca oružja da postupi po članu 33. Zakona o oružju i municiji Hercegovačko-neretvanskog kantona.

(2) U slučaju da Komisija utvrdi da je oružje dotrajalo, ali da postoji mogućnost da se popravi ili prepravi, uputit će imaoca oružja da takvo oružje popravi ili prepravi kod pravnog lica koje je registrovano za popravljavanje ili prepravljavanje oružja.

### Član 11.

(Stupanje na snagu)

Ovaj Pravilnik stupa na snagu osmog dana od dana objave u "Službenim novinama Hercegovačko-neretvanskog kantona".

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON  
MINISTARSTVO UNUTRAŠNJIH POSLOVA

Broj: 02-01-04-1374-3/17

Datum: 24.11.2017. godine

MINISTAR  
Sladán Bevanda, s.r.